


WAPADRANT GEMEENTE



MAAND KRANT



OCTOBER 2022

ELKEEN, SAAM OP GOD SE PAD

Attestate & Bewyse van Lidmaatskap

Ontvang van:

NG Potchefstroom-Noord: Ruan Olwagen
GK Rustenburg-Wes: Franci Olwagen (van Heerden)
GK Rietvallei: Anton en Phillipina Maria Charlotte Joubert (Bantjes)
GK Totiusdal: Jahnes en Amanda Engelbrecht (Kruger) en dooplidmaat Klara Linda.
Baptiste kerk Standerton: Jacobus Frederik Botha
GK Alkantrant: Andreas Adriaan en Annette Lighthelm (Brink)
GK Magalieskruin: Jeanette Elizabeth Coetzer (Hopley)
GK Magalieskruin: Katie Christina Bouwer (Hopley)
GK Magalieskruin: Francois Petrus Coetzer
GK Alberton-Wes: Martina Albertina Louw (de Ronde)
GK Annlin: Johanna Christina Terclanche
GK Waterkloofrand: Hendrik Hoogenboezem
NG Lux Mundi: Gerhard Johannes en Magdalena Elizabeth Bredenkamp (Opperman)

Afgestuur na:

Every Nation Tshwane: Juan en Janneke Reid (Slot) en dooplidmate Juanro Dirk en Jayden.
NG Jeffreysbaai: Gerhardus Phillipus en Ronél Strydom (Roach)
GK Vanderbijlpark-Trinitas: Catharina Johanna Derksen (Tuinsma)
Orsee: Cornelia Louise Naude (Koelewyn) en dooplidmate Mieke Louise en Markus Christiaan

VRYWILLIGERS word DRINGEND benodig!

SunRise Naskool kort vrywilligers om by die Wapadrand Gereformeerde Kerk se Uitreikaksie te help. Ons het 16 kinders wie in die middae ondersteun word met toesig en huiswerk.

Maandae - Vrydae. Slegs in die middae.



Kontak die kerkkantoor

012 991 1395 / kantoor@gkwapadrand.co.za



Die Waslyn

80ste Laan 740
Villieria
0186



078 296 4596

Welkom by "Die Waslyn". Hier is ons diens en produk ons trots!

HET U GEWEET...?

Ons was gordyne...Kom haal dit af, was,
droog en stryk dit en hang dit weer vir u!


Skakel vandag nog vir 'n kwotasie:

078 296 4596


Ons doen ook:

- Verstellings
- Net was van alledaagse klere
- Was en vou van alledaagse klere
- Net stryk van alledaagse klere

Besoek ons vandag nog vir die beste diens!!



SKENK BLOED - RED 'N LEWE!



Sondag 6 November 2022
08:30 tot 12:30
In die tent in die parkeerarea



Verskyn sedert 1 April 1873 as "De Maandhode" en sedert 1 Oktober 1894 as "Het Kerkblad"

die Kerkblad

Geestelike pitkos vir die Gereformeerde lidmaat

Bied insig in die waarhede van die Skrif

Beoordeel aktuele gebeure in die lig van
die Skrif en belydenis

Artikels wat fokus met die waarheid van
die Woord op alle lewensterreine

Gedrukte formaat en ook elektronies beskikbaar

Vir intekening:
Tel. 018 297 3986

tydskrifte@gksa.co.za / kerkblad@gksa.co.za



SORG MET EER

TRUSTEES EMERITAATSVERSORGING

p/a Dr. Wymie du Plessis
wymiedup@gksa.co.za
083 575 5786 / 018-239 3986



AAN DIE KERKRAAD EN GEMEENTE

Op Saterdag 10 September 2022 het die kerke in die Emeritaatsversorgingskombinasie wat verantwoordelik is vir die versorging van emeriti en hul afhanklikes vir die tydperk tot 1994 ingrypende besluite geneem. **Ds. Cassie Aucamp** werp lig op die besluite in 'n artikel wat in Oktober se uitgawe van Die Kerkblad sal verskyn. Die Trustees het geoordeel dat ons kerke nou reeds hierdie inligting moet kry. Daarom stuur ons die artikel deur om kerkraad en gemeente betyds in te lig.

"Ons Emeriti: Sorg Met Eer!"

"Op Saterdag 10 September 2022 het die 244 kerke wat in 1994 die Emeritaatsversorgingskombinasie gevorm het om hul emeriti gesamentlik eervol te versorg, 'n merkwaardige maar eervolle besluit geneem: **om die vlak van versorging van ons emeriti, hul weduwees en afhanklikes te handhaaf**, ondanks die feit dat die stand van die Emeritaatsversorgingstrust (EVT) 'n verlaging van 25% genoodsaak het.

Die aanloop

Art. 13 en 20 van die Kerkorde eis dat die kerk waar 'n emeritus die laaste gediens het, hom en sy afhanklikes eervol moet versorg. Dit het duidelik geblyk dat die ou E.P.P.W. en W. Fonds met sy wortels uit die vorige eeu, nie meer aan die behoeftes sou kon voorsien nie. In 1994 het die Nasionale Sinode 'n Predikante Pensioenfonds in die lewe geroep om vir die diensjare wat na 1994 sou volg vir elke predikant voorsiening te maak. Die besluit het die versorging van predikante wat daarna tot die bediening sou toetree op vaste en gesonde basis geplaas. Vir die voorsiening van diensjare voor 1994 het die kerke toe in kombinasie hande gevatt om saam te werk om kerke te help om hul emeriti te versorg. 'n Basisbedrag is vasgestel wat "in die reël as eervolle versorging beskou word". Jaarliks is ramings en kollektes vasgestel om aan hierdie behoeftes te kon voldoen.

Die skeefloop

Verskeie faktore het egter daartoe geleid dat die EVT onder geweldige druk gekom het. Lidmaatgetalle het gedaal, lewensverwagting wat ook langer versorging beteken, het gestyg. Beleggingsopbrengs het gedaal, en helaas: die offervaardigheid vir die saak het ook getaan. Die gevolg? Vir die laaste vier jaar het ons emeriti geen verhoging gekry nie. Ook sou

'n tekort van nagenoeg R11m per jaar ontstaan indien versorgingsvlakte bloot gehandhaaf word, terwyl die reserves reeds uitgeput was. Die kort en die lank: 'n trust kan nie, mag nie geld uitgee wat hy nie het nie en 'n 25% vermindering het onafwendbaar gelyk.

Die besef het egter die laaste twee maande al duideliker begin posvat: die klompie emeriti kan nie, mag nie opdok vir tekorte wat ontstaan het nie. Om 25% van hul versorging af te trek sou ons emeriti, waarvan 83 weduwees is, weerloos maak, en dit sou ons kerke eerloos maak. Die Trust (EVT) kan wel nie aan die behoeftes voorsien nie, maar die Emeritaatsversorgingskombinasie (EVK), is steeds daar. Die kerke wat saam hande gevatt het is steeds daar. Ons mag nie ons eer in die versorging van ons emeriti afhanklik maak van 'n boomskraap Trust nie. Dis kérke wat hande gevatt het, dis kérke wat onderneem het. En die kerke is nog daar! En hierdie kerke moet hul onderneming van 1994 teenoor mekaar en ons emeriti opnuut bevestig.

Die saam loop!

Daarom het die kerke in kombinasie op 10 September 2022 saam besluit om die "Sorg met Eer" plan in die lewe te roep. 'n Groot taak rus op ons almal. Ons het die professionele hulp en advies van organisasies met suksesverhale van bemagtiging, soos Helpende Hand in die Solidariteitsgroep bekom, wat bereid is om ons van kundigheid en die suksesvolle uitrol en kommunikasie van die plan behulpsaam te wees. 'n Skakelbeampte om met die kerke te skakel en hulle te besoek sal op deeltydse basis aangestel word. Die kerke het onderneem om aan die persoon volle ondersteuning en die toegang tot kerkrade, kommissies en individuele lidmate te gee.

Benewens die huidige ramings, word 'n bedrag van rofweg R250 per lidmaat per jaar benodig. Ons weet dat nie alle kerke dit kan bybring nie. Ons weet dat nie alle lidmate dit kan bybring nie. Daarom gaan ons nie 'n addisionele raming hef nie. Ons gaan handevat. Gesamentlike projekte kan aangepak word. Onderbenutte eiendom kan verkoop word. Lidmate wat buitengewoon deur die Here geseen is kan ook buitengewoon tot hulp wees. Ledekerke kan in Klassisverband saamwerk om emeriti vanuit hulle gelede addisioneel te versorg. In kort: saam moet ons met al ons gawes en entrepreneurskap, ons kragte en ons middele hierdie eretaak biddend

aanpak. Koel koppe, warm harte en gewillige hande gaan nodig wees, en dit kan net die Here gee.

Dalk mag u dink: Hoe kon ons vaders so kortsigtig wees? Hoe kon hulle die geslag van die 2020's met hierdie las opsaal? Is dit nie dalk soos die volk in Jeremia in 'n ander konteks kla: "Die vaders het groen druiwe geëet en nou het die kinders se tande stomp geword" nie? Indien u so mag dink, wil ek u op net die een grafiek hieronder wys, die statistiek saamgestel uit die artikels in die boek Van Seringboom tot Kerkgebou. Ons vaders het hulself wel tekort gedoen in pensioenvoorsiening, maar kyk net hoeveel kerkgeboue is opgerig in die vyfde, sesde en sewende dekade van die vorige eeu. Kerke en pastorieë, kinderhuise en ouetehuise wat deur hulle opgerig en betaal is en deur ons gebruik kan word. Waar ons net vir die volgende tien jaar so R28m per jaar nodig het om ons emeriti eervol te versorg, sou dit ons rofweg bereken R280 miljoen per jaar gekos het om daardie eiendomme vandag oor 'n termyn van dertig jaar af te betaal!

Die uitloop!?

Ons het so baie van ons vaders geërf, ook op stoflike gebied. As dit nou op ons geslag se skouers gevall het om hulle te versorg wat vir ons gesorg het, om hulle te dien wat ons bedien het, laat ons dit gelowig, offervaardig, dankbaar en blymoedig doen. Dit is ons eer!


Wie weet of die Here nie dalk vir ons wat so individualisties geraak het en ook as kerke so elkeen-vir-homself geword het, of Hy ons nie dalk met hierdie reuse uitdaging maar tegelyk hierdie ere-roeping weer wil laat besef hoe ons mekaar nodig het nie?"

ENKELE VISUELE VOORSTELLINGS


ONS HET REEDS AGTERGERAAK



ONS VADERS SE NALATENSKAP




ONS ANTWOORD



Wapadrant Finansiële sake

Tot en met einde Augustus 2022



Na die afgelope 8 maande in 2022:

Met dank aan ons Hemelse Vader se voorsieningheid kan ons soos volg rapporteer.

Vir die jaar tot by hierdie verslag datum, is die netto Surplus nou R606 958.

Hierdie bg. **Surplus** na agt maande, kan soos volg verder onderling verdeel word tussen die 4 groot fondse waaruit al die uitgawes vir spesifieke doeleindes gedra word en lyk nou soos volg:

Kerkkas = **Surplus van R 419 432** (Minus die tekort hieronder by Jeugbediening, wat dit na regte afbring na: **R 209720**)

Barmhartigheidsbediening = **Surplus van R 377 788**

Uitreikbediening = **Surplus van R 19 450**

Jeugbediening = **Tekort van R 209 712**

Die Finansiële werkgroep (FWG) is tans in die proses om ook 2023 se begroting op te stel vir voorlegging aan die Kerkraad.

Dankoffer-inligting

Maand	Aantal potensiële *bydraepunte	Aantal punte met geen beloofde bydrae	Aantal punte wat beloof het maar geen bydrae maak nie	Aantal punte wat agterstallig is	Getroue bydraers
Feb 2022	*(1 089) **(1 625)	430 39,49%	129 11,85%	56 5,14%	474 43,52%
Maart 2022	*(1 085) **(1 621)	420 38,71%	115 10,60%	69 6.36%	481 44,33%
April 2022	*(1 083) **(1 612)	417 38,50%	107 9,88%	87 8,03%	472 43.59%
Mei 2022	*(1 098) **(1 633)	426 38,80%	102 9,29%	91 8,29%	479 43.62%
Junie 2022	*(1 093) **(1 625)	425 38,88%	100 9,15%	106 9,70%	438 42.27%
Julie 2022	*(1 099) **(1 624)	427 39,25%	96 8,82%	114 10,48%	462 41.45%
Aug 2022	*(1 092) **(1 626)	428 39,19%	98 8,97%	110 10,08%	456 41.76%

* Bydraepunt : Getroude man en vrou = 1 bydraepunt
 Belydende lidmaat in dieselfde gesin
 = bydraepunt
 Enkellopende belydende lidmaat =
 bydraepunt

** Belydende lidmate

Hou asseblief in gedagte, vir hierdie gemeente om effektiel te moet kan funksioneer, is daar heelwat finansiële verpligte wat nagekom moet word, wat meebring dat daar finansiële bydraes ontvang moet word, vanaf die lidmate, waaruit die bedryfsuitgawes dan gedeck kan word. Daarom maak ons staat op elke lidmaat se dankoffer bydraes.

Indien lidmate nie oorbetaling aan die gemeente doen nie, beteken dit die ander lidmate in die gemeente, wat wel bydraes maak, "borg" die nie-bydraende lidmate, vir die genoemde uitgawes wat aangegaan moet word.

Moet asseblief nie die genoemde finansiële bydraes, (wat in kerkterme ook 'n Dankoffer genoem word), in die liefdegawesakkie plaas nie, want die liefdegawes gaan nie vir dieselfde doel nie. (Maak gebruik van die dankoffervorm).

Bankbesonderhede: Gereformeerde Kerk Wapadrand, ABSA rek nr 349 0151 957, takkode 632 005. BAIE BELANGRIK: Naam, van en doel as verwysing. (Behalwe in die geval van 'n anonieme inbetalings.)

- Indien jy anonieme bydraes wil maak, plaas kontant/tjek in 'n koevert en sit in liefdegawesakkie of doen 'n elektroniese oorbetaling in kerk se bankrekening.

- **Debietorder:** Reël met kerkkantoor by kantoor@gkwapadrand.co.za of volg hierdie skakel vir vorm: <http://www.wapadrand.co.za/finansielesake.html>

- **Nog 'n manier om jou dankoffer/liefdegawe oor te betaal:**

Snapscan – Vir gerieflike en vinnige betaling. Gaan na <http://www.wapadrand.co.za/finansielesake.html> vir instruksies



Snap here to pay

SnapScan

Maniere van afdra van Dankoffer

- **Direkte inbetalings** op kerk se bankrekening/per internetbank of per aftrekorder by jou eie bank.

Skenk asb!



Ons neem enige werkende goedere,
huishoudelike items en klere.

Kontak: Zanelda 082 364 2196

AFRI-DUETFEES



JANNIE MOOLMAN EN HELENA CERONIO



JD MARS EN CORLEA BOTHA




LOUIS LOOCK EN ANDRIETTE NORMAN



DU PREEZ STOLTZ EN CEZANNE YZELLE

082
377 1112

VRYDAG 21 OKTOBER 19:00
SATERDAG 22 OKTOBER 15:00



DUETFEES.CO.ZA

Bespreek by: <https://duetfees.co.za/kaartjieverkope/>
of by Ds Cassie Aucamp by: duetfees@gmail.com / 082 377 111

Wapadrant Uitreik na Ficksburg

Dit is byna onmoontlik om te verwoord wat gedurende die uitreiknaweek na Ficksburg deur jou binneste gaan. Die pragtige natuurskoon maak 'n mens net meer bewus van God se alomteenwoordigheid. Die eensbewoonde plaaswerf is omskep in 'n funksionele skool vir sowat 100 leerders. Hier maak jy 'n plan en werk met wat jy het – en dit is oorgenoeg – want die Here voorsien in elke behoefté.

Dit is nie 'n kuiernaweek nie – hoewel ieder en elk van die ongeveer 50 Pretorianers heerlik saamkuier terwyl doelgerig uitvoering aan opknapping, herstel en bouwerk gegee word. 'n Paar takies is op die werkskaart: 1. Die bestaande raamwerk van die afdak word versterk sodat sinkplate daarop vasgesit kan word. 2. Bankies en tafels word uit palette gebou en geverf. 3. Die dogters se badkamers word geteël. 4. 'n Sement deklaag word gegooi voor die klaskamers (eens skaapskeerstalle). 5. Die hospies se dak word geseël en geverf. 6. Die silo, heining en kaal mure word geverf.



Klink byna onmoontlik om in 'n naweek te verrig, maar alles is gedoen. Ons sien weer eens dat ons net gewillig moet wees – dit is die Here wat werk!

Wat 'n voorreg was dit om ook die kinders en onderwysers te ontmoet – en dit terwyl hul Erfenisdag vier! Getooi in tradisionele kleredrag is ons getrakteer op 'n Erfenisdag-konsert. Hul dankbaarheid en waardering het ons diep getref. Na Sondagoggend se erediens is ons weer onder die indruk geplaas van God se hand in al die bedrywighede op hierdie plaas. Hier word die kinders geleer dat God hulle werklik liefhet. Hy wys dit deur mense te stuur wat hulle nie eens ken nie om al hierdie dinge vir hulle te kom doen.

Ons voel nederig en werklik geseënd. Ons het gekom om iets van onsself te gee, maar in die proses het ons soveel meer ontvang. Dankie, Here!

Vanaf die kerkraad se tafel

Die Kerkraad (KR) het op **Woensdag 14 Sept. 2022** weer 'n vergadering gehou. Hier volg kortliks terugvoer uit die vergadering aan die lidmate:

Sake wat die Kerkraad (KR) hanteer het waaroer daar nou gekommunikeer kan word:

1) "Stadbouer"-jaartema opleiding:

Die opleiding is nou mooi op dreef en die eerste groep van 12 lidmate is klaar opgelei. Tans is daar 'n tweede groep van 10 lidmate wat besig is daarmee en die 3de en ook die laaste groep vir 2022, het Sondag 2 Okt. 2022 by die kerk begin. Terugvoer vanaf die lidmate wat dit reeds bygewoon het, is baie positief en het hulle getuig dat hulle ook geestelik verryk en gegroei het tydens die kursus. (Sien Jan de Beer se berig op bl. 16)

2) Ondersoeke:

Die Kerkraad is besig met die volgende ondersoeke:

- a) Die regsposisie van die predikante en toekomstige bedieningsooreenkomste.
- b) Die rol van die Ouderlinge en Diakens in die toekoms.
- c) Toekomstige strukture vir die gemeente in lyn met die "Stadbouer"-tema.
- d) Moontlike uitbreiding van die Barmhartigheidsbediening om 'n meer holistiese versorgingsbeleid te hê, met die moontlikheid van gebeurlikheidsplanne vir groot noodgevalle in ons omgewing.
- e) Die verbetering van ons Jeugbediening. Die KR het o.a. besluit om 'n ervare en suksesvolle Jeugbedienaar te kry as konsultant om die gemeente se huidige Jeugbediening te ondersoek en 'n verslag te lewer, met voorstelle, aan die KR wat kan strek tot verbetering van die Jeugbediening.
- f) Herstrukturering by die Kerkkantoorpersoneel.

3) Beroeping van 'n 3de voltydse predikant, met die opdrag Jeugbediening:

Aanvanklik was daar twee ondersoeke wat onderskeidelik gehandel het om ons huidige twee voltydse predikante se werklading te verlig en die aanstelling van 'n Jeugbedienaar. Die KR het aanvanklik met die twee sake apart gewerk, maar het later besluit dat dit gekombineer moet word en dat daar 'n derde voltydse predikant beroep moet word, met die spesifieke opdrag om die gemeente se Jeugbediening te bevorder en te verbeter. 'n Komitee is aangewys om die verdere implementering hiervan te behartig met terugvoer aan die KR.

4) Maand-Krant word 'n kwartaalblad in 2023:

Na 'n ondersoek deur die Kerkkantoor is bepaal dat die huidige Maand-Krant nie so baie aftrek kry in die gemeente nie en dus tref dit nie die kol wat voorsien is vir die doel daarmee nie. Daarom het die KR die voorstel goedgekeur dat dit vanaf 2023 verander word na 'n kwartaalblad. Die kerkkantoorpersoneel sal ook na meer innoverende metodes kyk om dit meer relevant en ook toegankliker te probeer maak.

5) Finansiële ondersteuning van die Teologiese skool in DR Congo:

Die KR het 'n versoek ontvang en goedgekeur om 'n geringe donasie van R 5000 per jaar te maak aan die Teologiese skool in die DR Congo, waarvan prof Amie van Wyk tans ook die afstandsrektor is. Lidmate wat direk daarby betrokke wil raak en ook skenkings/donasies wil maak kan dit direk met die kerkkantoor opneem en reëlings tref daarvoor. Griekse en Hebreeuse Bybels vanuit die gemeente kan ook geskenk word. (Sien ook die brief van Prof. Amie v Wyk op bl 13)

Lees ook die berig wat handel oor die EVT fonds se uitdagings en gevolglike besluite, met 'n versoek aan lidmate wat direkte bydraes daarvoor wil maak op bl 15. †

Wil JY leer bak, Ons kan jou help !

Ons bied die volgende klasse aan: (met volle resepte en notas)

- ❖ Basiese bak van Koeke (Fondant en of Botter versiersel)
- ❖ Beginner en gevorderde suiker koekies (Royal icing)
- ❖ Cupcakes (Blom rangskikking & Russiese versier punte)
- ❖ Petit Fours
- ❖ Macarons
- ❖ Suiker blomme
- ❖ Fondant figuurtjies
- ❖ Kinderwerkswinkels in vakansie, asook verjaarsdag partytjie aktiwiteite
- ❖ Geskenkbewyse beskikbaar

Vir meer inligting, kontak:

Karen: 083 259 0991 of

Mathilda 083 286 1617



Leserskeuse
2022

Boma Vleismark Meat Market

Boma Vleismark se Keurige Kouevleis
word op ons perseel vervaardig.

Boma Vleismark
Garsfontein/Rubensteinlaan
Moreletapark, Pretoria
012 998 8711

Boma Vleismark Olympus
Olympus Rylaan
012 991 3022
www.bomameat.co.za



Boma Deli
Moreleta Plaza
Tel 012 998 1617

Almal se mandjie

GK CACHET VERBLYF 2023

Die Gereformeerde Kerk Cachet het plek beskikbaar vir een damestudent in ons woonstelle vir 2023. Die woonstelle is op GK Cachet se gronde, op die NWU-Potchefstroomkampus geleë. Belangstellendes kan vir Ds Brahm Robinson op 064 6561374 kontak vir meer besonderhede.

HUISHULP BESKIKBAAR

Een van die gemeente se skoonmakers, Joyce, is op soek na stukwerk vir Maandae en Vrydae.

Kontak Joyce by 072 923 1046

TUINWERKER BESKIKBAAR

Een van die gemeente se tuinwerskers, Koos, is beskikbaar om op Maandae en Vrydae tuinwerk te doen.

Kontak Koos by 076 281 5766

Here, omdat U my lewe in U hande hou, vrees ek wie die onbekende nie.

Jes. 41:13
@wandeldegeloof



I do cakes, cupcakes,
cake pops, cakesicles,
sugar cookies,
macarons etc.

Weddings,
birthdays, and any
other special event



dolcetticake



mathildavisserdolcetti



mathilda.visser@yahoo.com

Mathilda: 083 286 1617



Teologiese skool - DR Kongo

DIE TEOLOGIESE SKOOL LUBUMBASHI, DR KONGO

Lieve Broers en Susters

Ek neem graag vrymoedigheid om aan julle 'n skrywe te rig in verband met die teologiese opleiding van die Konfessioneel Gereformeerde Kerk (KGK) in die DR Kongo met wie die GKSA 'n sustersverhouding onderhou. 'n Aantal van hulle ouer studente het hulle teologiese studie by ons teologiese skole te Hammanskraal en Potchefstroom voltooi en na die Kongo teruggekeer om die Woord van die Here en die evangelie van Christus daar te verkondig. Een van hulle, ds MN Banze, het in 2015 sy doktorsgraad in Potchefstroom (TSP) onder my leiding voltooi en hy en van sy kollegas het in 2012 selfstandig met 'n teologiese skool in Lubumbashi in die suidooste van die DRK begin.

Onder die seënende hand van die Here vorder die werk gestadig. Dr Banze verskaf onlangs die volgende gegewens:

Eerstejaarstudente: 7

Tweedejaarstudente: 3

Derdejaarstudente: 2

Deeltydse studente: 6

3 studente het reeds hulle studies voltooi en diegene wat afstudeer het, is predikante in verskillende kerke in die DRK. Daar is ook ander studente wat evangeliste is maar nog nie hulle studies voltooi het nie. Een student het na die Presbiteriaanse Kerk in Kanada gegaan vir praktiese werk en een is werkzaam in Malawi. "The future of the school is inspiring", skryf dr Banze.

Die Skool ontvang geen inkomste van enige instansie nie en die plaaslike predikante doen hulle doseerwerk gratis, behalwe vir gasdosente van buite wat bv Grieks en Hebreeus doseer wat vergoed moet word. Al inkomste waaroor hulle beskik, is klasgelde van die studente. Ek voeg hier by dat die ekonomiese situasie in die DRK baie swak is en dat dit net 'n wonderwerk is dat predikante daar hoegenaamd enige gemeentebediening asook ander werk kan doen. Die uitbreek van die koronavirus-pandemie het die situasie ook nog verder versleg.

Sedert die terugkeer van die Dorslandtrekkers in die vorige eeu uit Angola en die ontbinding van die twee gemeentes in Kenia teen die middel van die vorige eeu,

het die uitdra van die evangelie uit Gereformeerde kerke in midde-Afrika stil geword. Nuú het die Here beskik dat die goeie boodskap weer in midde-Afrika gehoor mag word uit die mond van toegeruste Gereformeerde predikante uit Suid-Afrika asook ander predikante wat in die DRK opgelei word. Die Here het Kongolese predikante deur sy Gees geleei om 'n eie teologiese opleiding te begin om jong manne toe te rus om die evangelie van die koninkryk in midde-Afrika te verkondig.

Die Teologiese Skool beplan ook om die opleiding sodanig te laat ontwikkel dat hieruit 'n volwaardige Christelike universiteit kan ontstaan – soos die geval was met die PUCHO. In 1869 het die Teologiese Skool van die GKSA in Burgersdorp met twee dosente en vyf studente begin en dit het uiteindelik uitgegroeи tot 'n volwaardige Christelike universiteit in 1951, die PUCHO. Ondertussen beplan die Kongolese akkreditasie by die TSP en die NWU. Hulle is ook dringend op soek na (tweedehandse) teologiese boeke, veral Griekse en Hebreeuse Bybels, om 'n biblioteek op die been te kry.

Ek self is al dekades by kerkwerk in die DRK betrokke en nou weer by die nuwe teologiese skool. Trouens, die sinode van die KGK het my versoek om as afstandsrektor op te tree en die opleiding daar te begelei. Jaarlikse finansiële ondersteuning van hierdie belangrike werk is dringend nodig. Vandaar hierdie skrywe aan julle. Indien dit moontlik is om R5 000-00 (of selfs meer, as dit kan) vir 2023 vir hierdie baie goeie doel by te dra, sal die Teologiese Skool dit besonder hoog op prys stel en waardeer. Sal julle asb hierdie vriendelike versoek deeglik oorweeg en my laat weet of julle positief hierop kan reageer?

By voorbaat hartlik dank vir julle oorweging van die saak.

Met vriendelike groete en seënwense

Prof JH (Amie) van Wyk

Afstandsrektor

4 Julie 2022 †

HERNU VOERTUIG-
LISENSIES
BINNE 48 UUR



5% AFSLAG
daaglik vir
pensioenarisse*

*T&Vs geld



KWIKSPAR & TOPS WAPADRAND

H/V Wapadrand & Lynnwood [f](#) @kwiksparwapadrand

LYNNWOOD LANE

H/V Equestria & The Highway [f](#) @TopsLynnwoodLane



SPLINTERNUWE
UITLEG
VIR U GERIEF



“
Hul slaghuis word sterk
aanbeveel! Altijd skoon
met gehalte vleis en waarde
vir geld gewaarborg.

FRANCES SLABBERT

”



GRATIS AFLEWERINGS IN PTA-OOS*

*T&Vs geld



Bestel sommer direk by ons!
061 707 0091

Verslag van die EVT

Verslag van die ledevergadering van die Emeritaatsversorgingskombinasie.

30 Julie en 13 September 2022

Die Emeritaatsversorgingstrust (EVT) is in finansiële nood met 'n tekort van ongeveer R11,8mil vir die huidige finansiële jaar asook vir die jare vorentoe. Indien die meewerkende kerke hulle verpligtinge kan nakom, sal die tekort uitgewis kan word.

Nuwe trustees is aangewys om addisionele aksies te dryf om fondse in te samel van kerke wie se bydraes tot die kombinasie agterstallig geraak het sodat 'n plan saamgestel kan word om die agterstallige gelde in te haal totdat dit ten volle vereffen is.

Die trustees het 'n kommissie aangewys om 'n plan voor te lê om:

- * 'n Positiewe gesindheid t.o.v ramings te help aanwakker
- * Die benodigde tekort van R11,8 miljoen vir 2023 aan te vul.
- * Vir die kritieke fase van 10 jaar waardeur die voorsiening van versorging gaan, te beplan.

Die kommissie het kundigheid buite hulle eie geledere, waaronder Helpende Hand, genader om aan sekere probleemareas, wat vir baie jare bestaan en 'n baie negatiewe invloed op Emeritaatsversorging het, aandag te gee, sodat kerke positief in kombinasie kan saamwerk vir die eerbare versorging van ons emeriti.

Hierin kan ons gebruik maak van die professionele kundigheid van Solidariteit Helpende Hand, waarin die betrokke persone (lidmate van Geref Kerke) hulle hulp aanbied as gawes binne die GKSA. Die belangrike is dat die 10 jaar as 'n veldtog geloods en bestuur word. Die afskop van die veldtog is deur Br Hannes Noëth en sy span aan ons voorseen en hulle sal insette gee en kundigheid voorsien met die vordering, monitering en veral kommunikasie in hierdie tyd.

Die volledige verslae is ter insae beskikbaar by die kerkkantoor.

Vir diegene wat nie aan die nuwe pensioenfonds behoort nie, is die vooruitskatting dat die trust vir ten minste nog 10 jaar die emeritus predikante en weduwees moet ondersteun.

Wapadrant se ramingsbydrae tot die EVT het gestyg van 10% na 18% die afgelope 5 jaar wat die gevolg is van die verminderde lidmaattal van die Gereformeerde Kerke van Suid Afrika (20 000 daling die afgelope 5 jaar).


Indien individuele lidmate 'n ekstra bydrae wil maak tot die EVT kan dit via die kerkkantoor of direk gedoen word. Die bankbesonderhede is in die kerkkantoor beskikbaar. †



Hoe saai ek God se verwagtinge?

God het ons geskape en aangestel oor sekere sake volgens Gen. 1 en 2. Hierdie is altyd sake waaroor ons beheer het en invloed op kan uitoefen. Ons word nie aangestel om sake te beïnvloed wat ons nie kan beheer nie. Soms is ons so besig om omstandighede en moontlikhede te probeer bestuur dat dit ons siek laat van bekommernis. Ons moet weer terugkom by ons ware verantwoordelikhede nl. om dit wat God onder ons sorg geplaas het te bestuur tot sy eer. Dit is al wat Hy van ons verwag.

As mense het elkeen van ons altyd Godgegewe invloed op 4 terreine, naamlik op: **1. Geestelike terrein, 2. Sosiale terrein, 3. Omgewingsterrein en 4. Finansiële terrein**. Ons hoef nie te gaan soek om hierdie invloed uit te oefen nie, ons is daagliks in kontak met God, ander mense, sosiale uitdagings, die omgewing en finansies. Al wat ons moet doen is om intensioneel God se koninkryksinvloed te laat geld in die normale gang van ons dag op hierdie 4 terreine. Om getroue stadbouers in diens van God te wees moet ons onself dus voortdurend ondersoek of ons ons Godgegewe invloed gebruik tot opbou van sy koninkryk. Ons is almal voltyds in diens van God oral waar ons beweeg. Ons is almal vennote in die bou van die stad van God, die sigbaarmaking van sy koninkryk op aarde.



Daar is egter ook sake waarop ons geen invloed het nie en dit is die sake wat ons *voortdurend* opdra in gebed.

Met die Stadboueroopeiding is reeds meer as 70 mense formeel en informeel opgelei. Die terugvoer in hierdie verband is dat daar 'n daadwerklike lewensverandering in elkeen se lewe plaasgevind het.

Die volgende opleidingsessie vind in Februarie 2023 plaas. Ons sien daarna uit om hierdie verrykende ondervinding met individue, gesinne en kleingroepe te deel.

Sosiale terrein:



Stadbouer

Lidmaat terugvoer

Sy stap langs die pad terwyl ek hek toe ry. 'n Stemmietjie herhaal drie maal dat ek moet omdraai en hoor waarheen sy stap. Ek hou by haar stil. "Waarheen stap tannie?" vra ek. "Apteeek toe" antwoord sy.

Sy aanvaar die saamry-gleentheid. Haar woorde tref soos 'n vuishou teen die bors: "Die Here het jou gestuur".

Die Here praat met 'n mens. Dit het my gesindheid teenoor ander mense verander.



Geestelike terrein:

"We are heavenly beings having an earthly experience".

"Ek het geleer om die EK te verwyder in my lewe en dit ONS te maak, want twee is sterker as een."

Finansiële terrein:

"Ek is nie die eienaar van my aardse besittings nie. EK is 'n net 'n rentmeester daarvan want alles behoort aan God."

Omgewing sterrein:

Stadbouer Herwinning

Stadbouer aktiwiteit:
Oes van cable ties om robot paal - 'n hele sak vol!

Reduce
Reuse
Recycle
Safe disposal



A R O S

AKADEMIE REFORMATORIESE
OPLEIDING EN STUDIES

Vakante pos: Akademiese assistent
Departement: Intermediêre Fase
Sluitingsdatum: 6 Oktober 2022
Aanstellingsdatum: Januarie 2023
Verwysing: AkaAss/IF#1/2023

Vakante pos: Doseant
Departement: Senior Fase & VOO
Modules: Engels
Sluitingsdatum: 6 Oktober 2022
Aanstellingsdatum: Januarie 2023
Verwysing: Doseant/SF#2/2023

Vakante pos: Doseant – praktiese onderwys
Departement: Senior Fase & VOO
Modules: Praktiese Onderwys en Senior Fase & VOO
Sluitingsdatum: 6 Oktober 2022
Aanstellingsdatum: Januarie 2023
Verwysing: Doseant/SF#1/2023

Aansoekprosedure:

Voornemende kandidate moet per e-pos aansoek doen. Die volgende dokumentasie moet die aansoek vergesel:

- * die aansoekvorm wat beskikbaar is by www.aros.ac.za/WebItem?listId=41 (Die vorm kan elektronies ingevul word.)
- * die aansoeker se CV
- * bewyse van kwalifikasies
- * 'n getuigskrif van die leraar of kerkraad van die gemeente waarvan die aansoeker 'n lid is.

(Hierdie getuigskrif moet getuenis gee oor die aansoeker se leer en lewe, waaronder kerklike betrokkenheid en verbintenis tot die Gereformeerde belydenis.)

Die aansoek en, waar enigsins moontlik, ook die ondersteunende dokumentasie moet in **Afrikaans** wees, aangesien dit die voertaal van Aros is en ook die taal waarin die posbekleer sy/haar werk by Aros sal verrig.

Die aansoek en ondersteunende dokumentasie moet voor of op **6 Oktober 2022** in **PDF-formaat** gestuur word aan: renate.murray@aros.ac.za. Indien u nie voor **30 November 2022** enige terugvoer van Aros ontvang nie, kan u aanvaar dat u aansoek onsuksesvol was. Aros behou die reg voor om nie 'n aanstelling in die pos, soos geadverteer, te maak nie.

Wapadrant Jeugaksie

Wat kry jy as jy Johan Smith, musiek en kerrie en rys meng? 'n Onvergeetlike ondervinding! Dit is presies wat gebeur het op 29 September '22. Die aand is bygewoon deur oud en jonk - elkeen versterk en gepantser teen die aanslae van sosiale media. Baie dankie aan elkeen wat die aand moontlik gemaak het.



Willem de Ru

Ek het die Jeugaand baie geniet! Baie dankie vir al die moeite met die reëlings daarvan!

Die Jeugaand van 29 Sep was 'n heerlike ervaring. Die kerrie en rys was heerlik, die saamsing saam met die orkes was uitstekend en Johan Smith se praatjie oor die gevare van tegnologie was baie insiggewend.

Louise de Ru

'n Heerlike jeugaand. Johan Smith het die mat behoorlik onder ons uitgeruk met sy inligting, waarskuwings en raad oor tegnologie. Die lofprysing met die orkes was 'n belewenis. Vir almal se reëlings sê ons so dankie vir die bemoeienis met ons en ons kinders se verhouding met tegnologie en ook met mekaar.

Takkie Vermooten

Ons het 'n positiewe opkoms gehad met ons Jeugaand saam met Dr Johan Smith. Oud en jonk was deel van die gehoor om aan te hoor hoe skermytyd ons en ons kinders se brein ontwikkeling en welstand kan affekteer.

Dr Johan het vir ons 'n "one-pager" gegee wat rigting en leiding bied van hoe ons hierdie uitdaging kan en MOET bestuur. Die realiteit is - dat skermytyd huis in ONS EIE HUISE ons gesinstyd, tyd met die Here en tyd met onself kom steel.

Wees bewus wat in jou HUIS aangaan en vind uit hoeveel tyd jou kind / eggenoot op skermytyd spandeer. Dr Johan het dit duidelik gemaak dat statistiek aandui dat 45 minute / dag vir ontspanning en 'n uur ekstra oor naweke REEDS GENOEG TYD voor 'n skerm is vir jou jong ontwikkelde kind (7 – 18 jaar).

Dankie aan die organiseerders vir hierdie samekoms. Die gemeente sien uit na meer jeug samekomste.





Karina Basson

Wat n interessante praatjie deur Johan Smith! Ek sal enige tyd weer na hom luister. Hy het soveel inligting met ons gedeel en punte genoem waaroor ons as ouers moet nadink om ons kinders te beskerm. Hy is regtig n fantastiese spreker.

Maree Mostert

Wat n wonderlike ervaring om saam met soveel mense weer saam te kuier en gesels terwyl ons heerlike kerrie en rys geniet. Daarna stap ons die kerk binne waar n verdere verrassing op ons wag. Die musiekgroep op die verhoog oortref hulself weer met entoesiasme en spoor die toeskouers aan tot volle lofprysing van die HERE. Geslote oë, Hande in die lug, Voete wat "**bons**" op die ritme van die aangrypende musiek. Selfs klein mensies spring op die verhoog, gryp 'n mikrofoon en sing met oorgawe saam.

Nou moet ons ook aandag gee aan die belangrike boodskap wat Johan met ons moet deel. Hoe beskerm ons onsself en nog belangriker ons kosbare kinders teen dit wat deesdae alledaags en ingeweef is in ons bestaan. Die wêreld daar buite is boos en versoekings lê om elke draai. Die boodskap is duidelik, "Staan ferm en beskerm". Wees bedag wat op die skerms aangaan en hoeveel daarvan.

Corlia Jansen van Rensburg

Wat 'n h(j)euglike aand was Donderdagaand nie. Die Kerrie en Rys-aandete was uit die boonste rakke (nie net omdat dit my swoeg voor die kospotte gespaar het nie, maar dit word ook waardeer). Om die Here saam te kon loof op die wyse wat dit aangebied was, was ongelooflik! 'N Groot woord vir waardering vir die aktuele praatjie wat oud en jong verstaan het, en mee kon identifiseer. 'n Riem onder my hart toe my tiener met groot oë sê: "Sal Pappa asb daardie beskerming-apps op my foon installeer."

Ek vermoed Daniël en sy vriende se geloof was sterk omdat hulle as jongmense sulke geleenthede gehad en benut het! Dankie vir almal wat betrokke was met reëlings - Ons stel dit hoog op prys!!



Johan Smith

Ongelooflike ervaring, met 'n "great" opkoms van verskillende generasies: jeug, ouers en grootouers. 'n Orkes van uitstaande gehalte wat geseënd is en bedien met 'n gawe.

Kameelfontein Soprojek

Honderd en tagtig leë koffiebottels, wat gemaak daarmee? Dit was die vraag waarmee ons gesit het. Hier by Wapadrant maak ons 'n plan, en word hierdie bottels die Kameelfontein Soprojek. Met oop harte en hande vir mense in nood, stroom skenkings van kontant en bestanddele in. Aan pakkers was daar ook nie 'n tekort nie. Hoewel die graad 10 jeuggroep hulleself hiertoe bereid verklaar het, het menige lidmaat sommer ingeval en hand bygesit. In 'n japtrap is die bottels in netjiese lae gepak reg vir Kameelfontein. Op Lentedag 4 September kon ons dit oorhandig aan Kameelfontein.

Dankbare glimlaggies verbly ons harte. Ons besef opnuut dat ons net kan gee wat ons reeds van die Here ontvang het.

